

# Klage der Menschen vber den Todt.

Der Mensch.

Hör Tod du harter derber Gast/  
Was bringst du vns für schwere Last/  
Es wird vns von der Sonnen Licht/  
Vnd von des Mondes Angesicht  
Rein weggenommen/ ganz geschwindt  
Vnsr heupt/ des wir beraubet sindt/  
Hast vns dadurch gros traurigkeit  
Bereit für war zu dieser zeit.  
Ey ihr Planeten/ himlisch Gestirn/  
Das wir solln vnsern Herrn versirn  
In dieser Welt/ wir Menschen Kind  
Mit schmerzen hoch betrübet sind.  
Nach Gott seligkeit thet er strebn/  
Adelichen Tugenden darnebn  
Recht wol war er darin erzogn/  
Welches wir habn gar wol erwogn.  
Izt kömt er weg/ fellt vor der zeit/  
Desn Land vnd Leut hattn ehr vnd freud.  
Christlichen wandel er stet fürth/  
Welchs jederman gar wol gespürt.

Der